

Ovdabargu

Áigeguovdilis smiehttangažaldagat ovdal gulahallančoahkkima

Dáid sáhtta geavahit bargiidčoahkkimis ovdal gulahallančoahkkima vai šaddá diehtomielalašvuohta mánáidgárddi bargui mii guoská givssideapmái mánáidgárddis.

Olgušteapmi stoahkamis

- Mo bargá mánáidgárdi systemáhtalaččat sihkkarastit ahte

ii okta ge mánná olguštuvvo stoahkamis almmá nu ahte ollesolbmot eai fuomáš dan?

- Maid bargat mii min mánáidgárddis nu ahte bargit fuomášit máná

gii olguštuvvo stoahkamis mánáidgárddi **siste**?

- Maid bargat mii bargit min mánáidgárddis vai fuomášit máná gii olguštuvvo **olgun** min mánáidgárddis?
- Digaštala dajaldaga: «*Buohkat galget stoahkat buohkaiguin*». Makkár lea dilli min mánáidgárddis?
- Mo sáhttit mii ollesolbmot váikkuhit jus leat mánát geat eai beasa fárrui stoahkamii?

Riegádanbeaivve bovdejumit

- Mo mii dahkat/makkár njuolggadusat leat min mánáidgárddis

riegádanbeaivve bovdejumiide?

- Maid dahkat mii min mánáidgárddis jus lea okta mánná gii

ii goasse ge bovdejuvvo **riegádanbeaivvedoaluide**?

- Mo oažžut buori gulahallama vánehemiiguin/vánhemiid gaskka **riegádanbeaivve bovdejumiide min mánáidgárddis**?

Vuolgit mielde ruoktot maŋŋil mánáidgárddi

- Maid mii dahkat go guoská lihtodemiide ahte vuolgit nuppi fárrui ruoktot maŋŋil mánáidgárddi?
- Maid dahkat mii bargit jus lihtodallet vuolgit nuppi fárrui ruoktot maŋŋil mánáidgárddi ja dat mielddisbuktá olgušteami stoahkamis mánáidgárddis?
- Maid mii bargit dahkat jus lea okta mánná mánáidgárddis gii ii goasse ge bovdejuvvo earáid fárrui ruoktot?